



ՀԱՂՈՐԴԱԳՐՈՒԹՅՈՒՆ

Սույն թվի հոկտեմբերի 5—7 օրերին Մայր Աթոռում հանդիսավոր իրադրության մեջ նշվեց ա. Ներսես Շնորհալու մահվան 800-ամյա հոբելյանը:

Ն. Ս. Օ. Տ. Տ. Վազգեն Ա-ը իր 16 հունվար 1973 թվակիր հմր. 743 կոնդակով 1973 թվականը հայտարարել է ա. Ներսես Շնորհալուն նվիրված հոբելյանական տարի:

Հայրապետական հրահանգի համաձայն և Գերագույն հոգևոր խորհրդի որոշումով Մայր Աթոռում ստեղծվեց հոբելյանական հանձնախումբ, որի կազմում ընդգրկվեցին Գերագույն հոգևոր խորհրդի անդամ պրոֆ. Առաքել Առաքելյանը, Մայր Աթոռի դիվանապետ տ. Արսեն եպիսկոպոս Բերբերյանը, հոգևոր ճեմարանի տեսուչ տ. Արիս ծ. վրդ. Ծիրվանյանը, «Էջմիածին» ամսագրի խմբագիր Արթուն Հատիտյանը և Մայր Աթոռի Միջեկեղեցական հարաբերությունների բաժնի ընդհանուր քարտուղար Պարգև Ծախբազյանը:

«Էջմիածին» ամսագրի խմբագրությունը որոշեց ա/թ. դեկտեմբեր ամսվա համարը նվիրել ա. Ներսես Շնորհալուն, ինչպես նաև Մայր Աթոռի Միջեկեղեցական հարաբերությունների բաժնի հետ գործակցաբար պատրաստել, անգլերեն լեզվով, հոբելյանական մի գիրք՝ քույր եկեղեցիներին և քրիստոնյա աշխարհին ծանոթացնելու համար անունը, գործը և բազմաժանր մատենագրական վաստակը հայ եկեղեցու մեծ վարդապետի:

Հոբելյանական հանձնախումբը պարտավորվեց արժանալիալել կերպով կազմակերպել Մայր Աթոռում հոբելյանական հանդիսությունների անցկացումը:

Հանդիսություններին մասնակցելու համար Մայր Աթոռ էին ժամանել

Երուսաղեմի հայոց պատրիարք ամենապատիվ տ. Եղիշե արք. Տերտերյանը, Արևմտյան Եվրոպայի հայրապետական պատվիրակ տ. Սերուիբե արքեպ. Մանուկյանը՝ ողնկցությամբ տ. Գյուտ ծ. վրդ. Նազաշյանի, ԱՄՆ-ի արևելյան թեմի առաջնորդ տ. Թորգոմ արքեպ. Մանուկյանը, ԱՄՆ-ի արևմտյան թեմի առաջնորդ տ. Վաչե եպս. Հովսեփյանը՝ ընկերակցությամբ Կալիֆոռնիայի թեմական խորհրդի անդամ պրն. Սարգիս Սիմոնյանի, Դամասկոսի թեմի առաջնորդ տ. Ոսկան ծ. վրդ. Գալբակյանը՝ ընկերակցությամբ Դամասկոսի ազգային-քաղաքական ժողովի փոխ-ատենադպիր Արմենակ Օհանյանի, տ. Ներսես ծ. վրդ. Պողոսպալյանը (Լոնդոն), տ. Ժիրայր վրդ. Թաշնյանը (Կանադա):

Հանդիսություններին մասնակցեցին նաև ներքին թեմերի առաջնորդներ՝ Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը, Ծիրակի թեմի առաջնորդ տ. Նարեկ եպիսկոպոս Ծաքարյանը, Ռուսաստանի և Նոր Նախիջևանի թեմի հայոց առաջնորդ տ. Պարզե եպս. Գևորգյանը՝ ընկերակցությամբ Ռուստովի հոգևոր հովիվ տ. Հովսեփ արքեպ. Հակոբյանի, վրահայոց թեմի առաջնորդ տ. Գևորգ եպիսկոպոս Սերայրյանը, Ադրբեջանի հայոց առաջնորդ տ. Վահան եպս. Տերյանը՝ ընկերակցությամբ Բաքվի հայոց հոգևոր հովիվ տ. Վարդան արքեպ. Դիլանյանի, և այլ հոգևորականներ:

Հոկտեմբերի 5-ին, ուրբաթ օրը, ժամը 18-ին, ս. Հոփսիսմե տաճարում տեղի է ունենում հանդիսավոր Հսկումի արարողություն՝ նվիրված ս. Ներսես Ծնորհալու հիշատակին: Ժամերգության ավարտին Վեհափառ Հայրապետը Իր քարոզի մեջ ոգեկոչում է հիշատակը և վաստակը ս. Ծնորհալի Հայրապետի:

Հոկտեմբերի 6-ին, շաբաթ օրը, Մայր տաճարում տեղի է ունենում երեկոյան հանդիսավոր ժամերգություն, որի ավարտին ս. Ներսես Ծնորհալու հիշատակին նվիրված իր սրտի խոսքն է ասում տ. Թորգոմ արքեպ. Մանուկյանը:

Վերջում ս. Ներսես Ծնորհալու մի շարք երգերի կատարումով հանդես է գալիս Հայաստանի երգչախմբային ընկերության երգչախումբը՝ գեղարվեստական ղեկավարությամբ Հայկական ՍՍՀ արվեստի վաստակավոր գործիչ Էմմա Ծատուրյանի:

Հոկտեմբերի 7-ին, կիրակի օրը, ժամը 11-ին, Մայր տաճարում տեղի է ունենում հանդիսավոր պատարագ: Իր անդրանիկ եպիսկոպոսական պատարագն է մատուցում տ. Գյուտ եպս. Նազաշյանը: «Հայր Մեր»-ից առաջ տ. Վաչե եպս. Հովսեփյանը ընթերցում է Ամենայն Հայոց Վեհափառ Հայրապետի՝ ս. Ներսես Ծնորհալուն նվիրված կոնդակը:

Նույն օրը, երեկոյան ժամը 18-ին, Վեհարանի հանդիսությունների դահլիճում տեղի է ունենում ս. Ներսես Ծնորհալու մահվան 800-ամյակին նվիրված հանդիսավոր երեկո՝ նախագահությամբ Ամենայն Հայոց Վեհափառ Հայրապետի և ներկայությամբ Երուսաղեմի հայոց պատրիարք տ. Եղիշե արքեպ. Տերտերյանի:

Հանդիսությանը ներկա է լինում Հայկական ՍՍՀ Միևիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը:

Ս. Ներսես Ծնորհալու տոնակատարության հոբելյանական հանձնախմբի անունից բացման խոսք է ասում տ. Արսեն եպս. Բերբերյանը:

Ս, Ներսես Ծնորհալու կյանքին ու մատենագրական վաստակին նվիր-

ված ծավալուն և բովանդակալից բանախոսությամբ հանդես է գալիս հոգևոր
ճեմարանի դասախոս Պարգև Շահբազյանը:

Ողջույնի խոսքեր են արտասանում ամենապատիվ տ. Նղիշե սրբազան
պատրիարքը և տ. Սերովբե արքեպ. Մանուկյանը:

Վերջում օրհնության խոսք է ասում Ամենայն Հայոց Վեհափառ Հայրա-
պետը:

Ապա գործադրվում է խնամված ու ճոխ գեղարվեստական մի ծրագիր:

Կատարվում են ս. Ներսես Շնորհալու ստեղծագործությունները:

Գեղարվեստական ծրագրին մասնակցում են Հայաստանի հանրահայտ
արվեստագետներ Գոհար Գասպարյանը, Լուսինե Զաքարյանը, Սիրվարդ
Մեսրոպյանը (ասմունքող), Զարեհ Սահակյանը՝ իր լարային նվագախմբով,
Էմմա Ծատուրյանը՝ իր հայտնի երգչախմբով, և արվեստի այլ վարպետներ:

Հանդիսությանց հաջորդող օրերին Մայր Աթոռ ժամանած բարձրաստի-
ճան հյուրերը ովառագնացության են մեկնում դեպի Հայաստանի տարբեր
վայրերում գտնվող պատմական հուշարձանները՝ ս. Գեղարդ, Խորվիրապ,
Բջնի և Տաթևի պատմական ս. վանքը:

12-ը հոկտեմբերի 1978 թ.,

Ս. Էջմիածին

ԴԻՎԱՆ ՄԱՅՐ ԱԹՈՌԻ

